

**D**at iij capittel Van der lere der warheyt.

**A**lich is de mā den de warheyt leret  
 nicht by figurē noch by vorzenck  
 liken stempnē. **S**under also id in der  
 warheyt is. vnse waen vñ vnse syn  
 de bekennet weinich vnde werden  
 mennich werue bedrogen. **W**at batet grote be-  
 kummeringe vā hemeliken vñ vnbeanden din-  
 gen dar wy nicht vme scholet gevraget werde  
 in dem ordel. is dat wy se nicht en wete noch en  
 bekennen. **G**rote vnwisheyt is dat. dat wy vns  
 bekummerē mit idelen vñ scheidliken dingen vñ  
 vorsumē nutte vnde nottrostige dinge. **W**as is  
 dat nutte dat wy ogen hebben vñ nicht en seen  
 vnde wat bekummere wy vns van groten ghes-  
 slechten. vñ van grotem wesende vñ grote wer-  
 ken. dem dat ewige wort to sprikt de wert van  
 velen bekummernissen vñ fātsen ghelofet. vt  
 eynem worde sprekē alle dinge. vnde alle dynge  
 spreken eyn. vnde dat is dat begin dat myt vns  
 sprikt. **S**under den en mach nemant rechte sprekē  
 noch vnderscheden. **D**e mach stede sin van her-  
 ten vñ bliuē vzetelik in gode dem alle dinck eyn  
 syn vñ trecket alle dinck tho eynem. vñ suet alle  
 dinck in eynem. **D** warastige god make my eyn  
 mit dy in eywiger leefte. **I**n dy is allent dat ick  
 wil vñ beger dar vme vordrut my vele to lesen  
 vnde to horen. **A**lle lerer vñ alle creaturen motē